

欽定四庫全書薈要

史部
正史類

吉林出版集團有限責任公司
海天出版社

目次

書名	卷次	頁次	作者
元史	卷三七—卷七八	一四五—一	明・宋濂等撰
卷三七 本紀第三七 寧宗		一四五—一	
卷三八 本紀第三八 順帝一		一四五—五	
卷三九 本紀第三九 順帝二		一四五—一七	
卷四〇 本紀第四〇 順帝三		一四五—二七	
卷四一 本紀第四一 順帝四		一四五—三八	
卷四二 本紀第四二 順帝五		一四五—四九	
卷四三 本紀第四三 順帝六		一四五—六三	

書名	卷次	頁次	作者
卷四四		一四五—七三	
本紀第四四 順帝七			
卷四五		一四五—八三	
本紀第四五 順帝八			
卷四六		一四五—九六	
本紀第四六 順帝九			
卷四七		一四五—一〇八	
本紀第四七 順帝一〇			
卷四八		一四五—一二七	
志第一 天文一			
卷四九		一四五—二四一	
志第二 天文二			
卷五〇		一四五—一五四	
志第三上 五行一			
卷五一		一四五—一七七	
志第三下 五行二			
卷五二		一四五—一九四	
志第四 歷一			

書名	卷次	頁次	作者
卷五三 志第五 歷二		一四五—二一五	
卷五四 志第六 歷三		一四五—二三七	
卷五五 志第七 歷四		一四五—二五四	
卷五六 志第八 歷五		一四五—二七二	
卷五七 志第九 歷六		一四五—二九四	
卷五八 志第一〇 地理一		一四五—三〇九	
卷五九 志第一一 地理二		一四五—三三六	
卷六〇 志第一二 地理三		一四五—三五二	
卷六一 志第一三 地理四		一四五—三七一	

書名	卷次	頁次	作者
卷六二 志第一四 地理五 卷六三 志第一五 地理六 卷六四 志第一六 河渠一 卷六五 志第一七上 河渠二 卷六六 志第一七下 河渠三 卷六七 志第一八 禮樂一 卷六八 志第一九 禮樂二 卷六九 志第二〇 禮樂三 卷七〇 志第二一 禮樂四		一四五—三九一 一四五—四一〇 一四五—四三六 一四五—四五六 一四五—四七三 一四五—四八五 一四五—五〇四 一四五—五一五 一四五—五三四	

書名	卷次	頁次	作者
卷七一 志第二二 禮樂五		一四五—五四六	
卷七二 志第二三 祭祀一		一四五—五五六	
卷七三 志第二四 祭祀二		一四五—五七〇	
卷七四 志第二五 祭祀三		一四五—五八九	
卷七五 志第二六 祭祀四		一四五—六〇六	
卷七六 志第二七上 祭祀五		一四五—六二〇	
卷七七 志第二七下 祭祀六		一四五—六三九	
卷七八 志第二八 輿服一		一四五—六五一	

欽定四庫全書薈要

史部
元史卷三十七
至四十七

欽定四庫全書薈要卷六千四百十六 史部

元史卷三十七

明翰林學士亞中大夫知制誥兼修國史宋濂等修

本紀第三十七

寧宗



寧宗冲聖嗣孝皇帝諱伊瑋伯明宗第二子也母曰

皇后竊瑪錦氏初武宗有子二人長明宗次文宗延祐

中明宗封周王出居朔漠泰定之際正統遂偏天厯元

欽定四庫全書

元史
卷三十七

年文宗入紹大統內難既平即遣使奉皇帝璽綬北迎

明宗明宗崩文宗復即皇帝位明宗有子二人長托歡

特穆爾次即帝也天厯二年二月乙巳封帝為郕王至

順三年八月己酉文宗崩于上都皇后尊揚末命申固

讓初志傳位於明宗之子時托歡特穆爾出居靜江帝

以文宗眷愛之篤留京師太師太平王右丞相雅克特

穆爾請立帝以繼大統乃遣使徵諸王會京師朝廷政

務咸啓中宮取進止甲寅中書省臣奉中宮旨預備大

詳校官主事銜臣徐以坤

朝會賞賜金銀幣帛等物乙卯雅克特穆爾奉中宮旨賜駙馬額布根子呼塔噶齊太尉布呼齊句容郡王達朗達賚僉事蘇爾蘇克穆爾台之子圖卜特穆爾公主布達拉安遠王綽哈妃公主托歡巴圖永寧王瑪辰妃公主諤勒哲台及公主徹爾特穆爾等金銀幣鈔有差是月渾源雲內二州隕霜殺禾冀寧路之陽曲河曲二縣及荊門州皆旱江水又溢高郵府之寶應興化二縣德安府之雲夢應城二縣大雨水九月丁丑填星犯太微垣左執法辛巳修皇太后儀仗是夜地震有聲來自北是月益都路之莒沂二州泰安州之奉符縣濟寧路之魚臺豐縣曹州之楚邱縣平江常州鎮江三路松江府江陰州中興路之江陵縣皆大水河南府之洛陽縣早十月庚子帝即位于大明殿大赦天下詔曰洪惟太祖皇帝啓闢疆宇世祖皇帝統一萬方列聖相承法度明著庫魯克皇帝入纂大統修舉庶政動合成法授大寶位于布延圖皇帝以及格根皇帝歷數之歸當在胡

土克圖皇帝濟雅圖皇帝而各播越遼遠時則惟雅克特穆爾建義效忠戡平內難以定邦國協恭推戴濟雅圖皇帝登極之始即以讓兄之詔明告天下隨奉璽綬遠近胡土克圖皇帝朔方言還奄棄臣庶濟雅圖皇帝薦正宸極仁義之至視民如傷恩澤旁被無間遠邇顧育眇躬尤篤慈愛賓天之日皇后傳顧命於太師太平王右丞相達爾罕雅克特穆爾太保浚寧王知樞密院事巴延等謂聖體彌留益推固讓之初志以宗社之重屬諸大兄胡土克圖皇帝之世嫡乃召諸王宗親以十月一日來會于大都與宗王大臣同奉遺詔揆諸成憲宜御神器以至順三年十月初四日即皇帝位于大明殿可大赦天下自至順三年十月初四日昧爽以前除謀反大逆謀殺祖父母父母妻妾殺夫奴婢殺主謀故殺人但犯強盜印造偽鈔蠱毒魘魅犯上者不赦外其餘一切罪犯咸赦除之大都上都興和三路差稅免三年腹裏差發并其餘諸郡不納差發去處稅糧十分為

率免二分江淮以南夏稅亦免二分土木工役除倉庫必合修理外毋復剋造以紓民力民間在前應有逋欠差稅課程盡行蠲免監察御史肅政廉訪司官并內外三品以上正官歲舉才堪守令者一人申達省部先行錄用如果稱職舉官優加旌擢一任之內或犯贓私者量其輕重黜罰其不該原免重囚淹禁三年以上疑不能決者申達省部詳讞釋放學校農桑孝義貞節科舉取士國學貢試並依舊制廣海雲南梗化之民詔書到

欽定四庫全書

元史
卷三十七

四

日限六十日內出官與免本罪許以自新於戲肆予沖人託于天下臣民之上任大守重若涉淵冰尚賴宗王大臣百司庶府交修乃職思盡厥忠嘉與億兆之民共保承平之治咨爾多方體予至意故茲詔示想宜知悉詔以知樞密院事薩都為御史大夫中書右丞薩題為中書平章政事宣政使奇爾濟蘇為中書左丞中書平章政事圖勒噶特穆爾知樞密院事乙巳造皇太后玉冊玉寶丁未皇太后命作兩宮幄殿車乘供張戊申賞

賚諸王金幣其數如文宗即位之制立徽政中政二院己酉太白犯斗宿敕諸王駙馬勳舊大臣及中書省樞密院御史臺秩正二品百司庶府秩至一品者關門內得施繩牀以坐餘皆禁之庚戌修郊祀法服以宦者特古斯哈喇烏達里克哈噶濟庫庫楚並為中政院使辛亥以江浙歲比不登其海運糧不及數俟來歲補運壬子定婦人犯私鹽罪著為令甲寅諸王保賽音遣使貢塔哩雅八十八斤佩刀八十賜鈔三千三百錠乙卯以即位告祭南郊丙辰給宿衛士蒙古漢軍三萬人禦寒衣命江浙行省範銅造和寧宣聖廟祭器凡百三十有五事己未告祭太廟庚申告祭社稷以己延為徽政院使依前開府儀同三司浚寧王太保錄軍國重事知樞密院事提調忠翊侍衛親軍都指揮使司事巴咱爾右都威衛都指揮使常布呼齊並為徽政院使賜諸妃后大朝會賞賚有差甲子賜諸王呼喇台鈔五百錠皇弟雅克特古斯受戒於西僧嘉勒幹巴勒百官及宿衛士

欽定四庫全書

元史
卷三十七

五

有濟遜衣者凡與宴饗皆服以侍其賢諸人者罪之丙

寅楚邱縣河堤壞發民丁二千三百五十人修之十一

月己巳詔翰林國史集賢院奎章閣學士院集議先皇

帝廟號神主升祔武宗皇后及改元事庚午賜郊王齊

齊克圖以海寧州胸山贛榆沐陽三縣壬申命郊王齊

冊告祭南郊中書平章已咱爾告祭太廟戊寅奉玉冊

玉寶尊皇后曰皇太后皇太后御興聖殿受朝賀已卯

帝御大明殿受朝賀庚寅賜諸王庫春幣帛各二千匹

以周其貧左欽察衛士饑賑糧二月壬申帝崩年七歲

甲午葬起輦谷從諸陵明年六月己巳明宗長子托歡

特穆爾即位至元四年三月辛酉諡曰冲聖嗣考廟號

寧宗四月乙酉祔于太廟

元史卷三十七

元史卷三十七考證

請立帝以繼大統 按順帝紀及雅克特穆爾傳雅克

特穆爾欲立文宗子雅克特古斯后不從而止此云

請立帝以繼大統殊為失實

甲寅 原刻上有八月二字係復出今刪

想宜知悉 原刻脫宜字不復成句今據永樂大典增

至元四年三月辛酉諡曰冲聖嗣考廟號寧宗 按順

帝紀上諡祔廟在三年正月與此異

欽定四庫全書

欽定四庫全書薈要卷六千四百十七史部

元史卷三十八

明翰林學士亞中大夫知制誥兼修國史宋濂等修

本紀第三十八

順帝一

順帝名托歡特穆爾明宗之長子母哈爾努特氏名瑪里達郡王阿爾斯蘭裔孫也初太祖取西北諸國阿爾斯蘭率其衆來降乃封為郡王俾領其部族及明宗北

欽定四庫全書

元史
卷三十八

狩過其地納哈爾努特氏延祐七年四月丙寅生帝于北方泰定帝崩太師雅克特穆爾與諸王大臣迎立文宗文宗既即位以明宗嫡長復遣使迎立之明宗即位于和寧之北而立文宗為皇太子及明宗崩文宗復正大位至順元年四月辛丑明宗后班布爾實被讒遇害遂徙帝高麗居大青島中不與人接閱一載復詔天下言明宗在朔漠之時素謂非其己子移于廣西之靜江三年八月己酉文宗崩雅克特穆爾請文宗后立太子

雅克特古斯后不從命立明宗次子伊埒哲伯是為寧

宗十一月壬辰寧宗崩雅克特穆爾復請立雅克特古

斯文宗后曰吾子尚幼托歡特穆爾在廣西今年十三

矣且明宗長子禮當立之乃命中書右丞奇爾濟蘇迎

帝于靜江至良鄉迓以鹵簿雅克特穆爾既見帝並馬

徐行具陳迎立意帝幼且畏之一無所答雅克特穆爾

疑之故帝至京久不得立適太史亦言帝不可立立則

天下亂以故議未決遷延數月國事皆決於雅克特穆

欽定四庫全書

元史
卷三十八

爾奏文宗后而行之會雅克特穆爾死后乃與大臣定

議立帝且曰萬歲後其傳位於雅克特古斯若武宗仁

宗故事諸王宗戚奉璽綬勸進四年六月己巳帝即位

于上都詔曰洪惟我太祖皇帝受命于天肇造區夏世

祖皇帝奄有四海治功大備列聖相傳丕承前烈我皇

祖武宗皇帝入纂大統及致和之季皇考明宗皇帝遠

居沙漠濟雅圖皇帝戡定內難讓以天下我皇考賓天

濟雅圖皇帝復正宸極治化方隆奄棄臣庶今皇太后

召大臣雅克特穆爾巴延等曰昔者科綽托克托穆爾
濟爾噶朗等謀逆以明宗太子為名又先為班布爾實
始以妬忌妄構誣言疎離骨肉逆臣等既正其罪太子
遂遷于外濟雅圖皇帝後知其妄尋至大漸顧命有曰
朕之大位其以朕兄子繼之時以朕遠征南服以朕弟
伊埒哲伯登大位以安百姓乃遽至大故皇太后體承
濟雅圖皇帝遺意以武宗皇帝之元孫明宗皇帝之世
嫡以賢以長在予一人遣使迎還徵集宗室諸王來會

欽定四庫全書

元史
卷三十八

三

合辭推戴今奉皇太后勅進之篤宗親大臣懇請之至
以至順四年六月初八日即皇帝位于上都於戲惟天
惟祖宗全付予有家慄慄危懼若涉淵冰罔知攸濟尚
賴宗親臣鄰交修不逮以底隆平其赦天下有阿勒呼
木特穆爾者明宗親臣也言於帝曰天下事重宜委宰
相決之庶可責其成功若躬自聽斷則必負惡名帝信
之由是深居宮中每事無所專焉卒未命已延為太師
中書右丞相上柱國監修國史兼奎章閣大學士領學

士院太史院回回漢人司天監事薩都為太傅左丞相
是月大霖雨京畿水平地丈餘饑民四十餘萬詔以鈔
四萬錠賑之涇河溢闕中水災黃河大溢河南水災兩
淮旱民大饑秋七月霖雨潮州路水已亥太陰犯房宿
八月壬申鞏昌徽州山崩詔立雅克特穆爾女已約特
氏為皇后九月甲午太陰犯填星乙未太陰犯天江甲
寅中書省臣言官員遞陞窒礙選法今請自省院臺官
外其餘不許遞陞從之丁巳太陰犯填星己未太陰犯
氏宿庚申詔太師右丞相巴延太傅左丞相薩都專理
國家大事其餘不得兼領三職秦州山崩賑恤寧夏饑
民五萬三千人一月詔免儒人役冬十月甲子太陰犯
斗宿丙寅鳳州山崩戊辰改元詔曰在昔世祖皇帝紹
開丕圖稽古建元立經陳紀列聖相承恪遵成憲肆予
冲人嗣大歷服茲圖治之云初嘉興民而更始乃新紀
號誕告多方其以至順四年為元統元年於戲一元運
於四時惟裁成之有道大統綿於萬世思保佑於無疆

欽定四庫全書

元史
卷三十八

四

中書省臣言凡朝賀遇雨請便服行禮從之己巳加知樞密院事達爾罕達哩金紫光祿大夫庚午詔以察汗諾爾宣慰司人民止令應當徵政院差發癸酉雲南僞羅土官渾鄧馬弄來貢方物詔以其地陞立散府丁丑依皇太后行年之數釋放罪囚二十七人庚辰奉文宗皇帝及太皇太后御容於大承天護聖寺命左丞相薩都為隆祥院使奉其祭祀乙酉詔以高郵府為已延食邑戊子封薩都為榮王食邑廬州騰吉斯襲父封為太平王進階金紫光祿大夫庚寅中書省臣請集議武宗英宗明宗三朝皇后升祔十一月辛卯朔罷富州金課甲午太陰犯壘壁陣丙申鞏昌成紀縣地裂山崩令有司賑被災人民丁酉享于太廟辛丑起棕毛殿丙午申飭鹽運司辛亥江西湖廣江浙河南復立榷茶運司追諡濟雅圖皇帝為聖明元孝皇帝廟號文宗時寢廟未建於英宗室次權結綠殿奉安神主封已延為秦王錫金印是日秦州山崩地裂夜太陰犯太微東垣上相壬

欽定四庫全書

元史
卷三十八

五

子太陰犯填星癸丑太陰犯亢宿乙卯以雅克特穆爾平江所賜田五百頃復賜其子騰吉斯罷河間大報恩寺諸色人匠總管府江浙旱饑發義倉糧募富人入粟以賑之詔秦王右丞相已延榮王左丞相薩都統百官總庶政十二月庚申命已延提調彰德威武衛乙丑廣西徭寇湖南陷道州千戶郭震戰死寇焚掠而去壬申遣省臺官分理天下囚罪狀明者處決冤者辨之疑者讞之淹滯者罪其有司以納喇尼都代其父達喇齊為耽羅國軍民安撫使司達嚕噶齊錫三珠虎符癸酉太陰犯鬼宿甲戌圖沁特穆爾致仕錫太尉印置僚屬乙亥為皇太后置徽政院設官屬三百六十有六員太白犯壘壁陣太陰犯軒轅已卯太陰犯進賢癸未太陰犯東咸

欽定四庫全書

元史
卷三十八

六

爾哈雅為河南行省左丞相丁酉享于太廟戊戌四川大盤洞蠻謀谷什用遣男謀者什用來貢方物即其地立盤順府命謀谷什用為知府遣吏部尚書鐵珠禮部郎中智熙善使交趾以授時厯賜之太陰犯軒轅癸卯勅僧道與民一體充役己酉以上文宗皇帝謚號遣官告祭南郊庚戌太陰犯房宿甲寅罷廣教總管府立行宣政院於杭州乙卯雲南土酋姚安路總管高明來貢錫符印遣之二月己未朔詔內外興舉學校癸亥廣西

欽定四庫全書

元史
卷三十八

七

徭寇邊殺官吏廣海官已除而未上者罪之甲子塞北東涼亭電民饑詔上都留守發倉廩賑之乙丑命有司以時給宿衛冬衣以雅克布琳為太保置僚屬戊辰封額爾勤額布根為昌寧王錫金印癸酉太陰犯太微上相丁丑封皇姑托克托呼為英壽大長公主癸未安豐路旱饑賑糶麥萬六千七百石甲申太廟木陸壞遣官告祭丁亥太白經天是月灤河漆河溢永平諸縣水災賑鈔五千錠瑞州路水賑米一萬石三月己丑朔詔科

欽定四庫全書

元史
卷三十八

舉取士國子學積分餽學錢糧儒人免役悉依累朝舊制學校官選有德行學問之人以充辛卯以陰陽家言罷造作四年太陰犯填星癸巳廣西徭賊復起殺同知元帥奇爾薩掠庫物遣右丞圖魯默色將兵討之復立西番巡捕都元帥府罷廣誼司復立覆實司贈奇爾薩官令其子孫襲職庚子杭州鎮江嘉興常州松江江陰水旱疾疫勅有司發義倉糧賑饑民五十七萬二千戶癸卯月食既甲辰中書省臣言興和路起建佛寺一路

所費為鈔萬三千五百三十餘錠請依上都大都例給饒僧錢節其冗費從之乙巳中書省臣言益都真定盜起請選省院官往督捕之仍募能擒獲者倍其賞獲三人者與一官從之丁未以河南行省左丞相阿爾哈雅為江浙行省左丞相壬子廣西慶遠府徭賊寇全州詔平章政事特默齊統兵二萬人擊之丁巳詔蒙古色目犯奸盜詐偽之罪者隸宗正府漢人南人犯者屬有司是月山東霖雨水湧民饑賑糶米二萬二千石淮西饑

賑糶米二萬石湖廣旱自是月不雨至于八月夏四月
戊午朔日有食之庚申封宗室曼濟為文濟王乙丑命
順元等處軍民宣撫使八番等處沿邊宣慰使巴延布
哈承襲父職丙寅罷龍慶州黑峪道上雙和兩站庚午
詔雲南出征亡歿軍士人賜鈔二錠以葬壬申命騰吉
斯為總管高麗女直漢軍萬戶府達魯噶齊與滿濟勒
噶台並為御史大夫丁丑太白經天戊寅太白晝見己
卯奉聖明元孝皇帝文宗神主祔于太廟躬行告祭之

欽定四庫全書

元史
卷三十八

九

禮樂用宮懸禮三獻先是御史臺臣言郊廟國之大典
王者必行親祀之禮所以盡尊尊親親之誠宜因升祔
有事于太廟帝從之是日罷夏季時享詔加榮王左丞
相薩都開府儀同三司上柱國錄軍國重事食邑廬州
復立杭州四隅錄事司太白晝見壬午復如之帝嘉許
衡輔世祖以不殺一天下特錄其孫從宗為章佩監異
珍庫提點癸未立鹽局于京師南北城官自賣鹽以革
專利之弊乙酉中書省臣言佛事布施費用太廣以世

祖時較之歲增金三十八錠銀二百三錠四十兩繒帛
六萬一千六百餘疋鈔二萬九千六百五十餘錠請除
累朝期年忌日之外餘皆罷從之是月車駕時巡上都
益都東平路水設酒禁大名路桑麥災成州旱饑詔出
庫鈔發常平倉米賑之河南旱自是月不雨至于八月
五月己丑詔威武西寧王額格伯之子伊勒噶克齊襲
其父封官者博羅特穆爾傳皇后旨取鹽一十萬引入
中政院辛卯以騰吉斯代薩都為中書左丞相薩都仍

欽定四庫全書

元史
卷三十八

十

商量中書省事壬辰命中書平章政事薩題領蒙古國
子監癸巳罷洪教提點所戊申詔文濟王曼濟鎮大名
雲南王阿魯鎮雲南給銀字團牌是月中書省臣言江
浙大饑以戶計者五十九萬五百六十四請發米六萬
七百石鈔二千八百錠及募富人出粟發常平義倉賑
之并存海運糧七十八萬三百七十石以備不虞從之
詔王侯宗戚軍站人匠鷹坊控鶴但隸京師諸縣者令
所在一體役之贈故中書平章政事王泰亨謚清憲舊

令三品以上官立朝有大節及有大功勲於王室者得賜功臣號及謚時寔冗濫失實惟泰亨在中書時安南請佛書乞以九經賜之使高麗不受禮遺為尚書貧不能自給故特賜是謚贈漳州萬戶府知事閔文興英毅侯妻王氏貞烈夫人廟號雙節六月丁巳朔中書省臣言雲南大理中慶諸路曩因圖沁布呼反叛民多失業加以災傷民饑請發鈔十萬錠差官賑恤從之戊午淮河漲淮安路山陽縣滿浦清岡等處民畜房舍多漂溺丙寅宣德府水災出鈔二千錠賑之乙亥騰吉斯辭左丞相不拜復命薩都為左丞相辛巳詔蒙古色目人行親喪癸未復立繕工司造繒帛乙酉贈雅克特穆爾公忠開濟弘謨同德翊運佐命功臣開府儀同三司太師中書右丞相追封德王謚忠武是月彰德雨白毛大寧廣寧遼陽開元瀋陽懿州水旱蝗大饑詔以鈔二萬錠遣官賑之秋七月丁亥戒陰陽人毋得於貴戚之家妄言禍福辛卯祭太祖太宗睿宗三朝御容罷秋季時享

壬辰帝幸大安閣是日宴侍臣於奎章閣甲午太白晝見己亥太白經天壬寅詔蒙古色目人犯盜者免刺甲辰太白經天丙午復如之帝幸楠木亭己酉太白晝見夜有流星大如酒盃色赤長五尺餘光明燭地起自天津没于離宮之南庚戌太白經天壬子復如之夜熒惑犯鬼宿癸丑甲寅太白復經天是月池州青陽銅陵饑發米一千石及募富民出粟賑之八月丙辰朔太白經天凡四日戊午祭社稷癸亥太白經天丙寅至戊辰太白復經天辛未赦天下京師地震雞鳴山崩陷為池方百里人死者甚眾自是日至甲戌太白經天丁丑己卯復如之夜犯軒轅庚辰至壬午太白復經天癸未中書平章政事阿爾哈雅罷是月南康路諸縣旱蝗民饑以米十二萬三千石賑糶之九月庚寅太白經天辛卯車駕還自上都壬辰太陰入南斗癸巳太白犯靈臺甲午太白經天猺賊陷賀州發河南江浙西湖廣諸軍及八番義從軍命廣西宣慰使都元帥章巴延將以擊之